

Акафист Рождеству Христову.

Кондак 1

Избранныи от всех племён и народов в язык свят, царское священіе, сыны Свѣта и наследницы Царства, приидіте возрадуемся Господеви и Спасителю Бóгу, в Вифлеѣме Рóждшемуся и нас ради пеленáми повивáемому, с волхвѣи и пáстыри поклонímся, áнгельскую вси в весѣлии поіюще песнь: Слáва в вѣшних Бóгу и на землі мир, в человецех благоволеніе!

Икос 1

Áнгелом недовѣдомую, преслáвную тáйну Твоего смотрѣнія на конѣц веков открывáя, Христѣ, яко Младенец в яслех безсловесных возлежиши и во убозем вертепе мíру являешися, Слове Бóжий, безначальне. Óле страшного таинства! Óле Бóжия снисхожденія! Тем ўбо со страхом и радостію взирающе на исповедímое истощáние Твое, сѣце Тебѣ зовѣм:

Слáва Тебѣ, Свѣте Тíхий, от Дѣвы мíру возсиявый;
слáва Тебѣ, Áнгелов Рáдосте, во страну плача пришѣдый.
Слáва Тебѣ, Начáльниче мíра, спасѣние благовестívый;
слáва Тебѣ, Сыне Бóжий, Собóю тоѣ устроивый.
Слáва Тебѣ, Сіяние Óтчия слáвы;
слáва Тебѣ, от тьмы в чўдный Твой свет человеки призвáвый.
Слáва Тебѣ, Иисўсе, Сыне Единорóдный, на зѣмлю снизшѣдый;
слáва Тебѣ, Иисўсе, восход земнорóдным на Нѣбо устроивый.
Слáва в вѣшних Бóгу и на землі мир, в человецех благоволеніе!

Кондак 2

Вíдев нищету и погíбель рóда человеческаго, всемоўщее светозáрное Слово Бóжие, тíхому молчáнию содержáщу вся и нóщи преполовляющейся, с Небесѣ, от Престóла Царскаго, во юдóль земнóу погíбельную снѣде, во спасѣние поіущих Емў: Аллилу́иа.

Икос 2

Разумѣв дўхом прорóк Аввакўм пришѣствие Твое, ужáсса вопіяше: Господи, услышах слух Твой и убояхся, разумѣх дела Твоя и ужасóхся! Мы же сбытіѣ тáйны сея зряще, Вифлеѣм чѣствуем и яслем Твоим поклоняѣмся¹, зовўще:

Слáва Тебѣ, Бóжия Премўдросте и Сíло;

¹см. свт. Григорий Богослов «Слово на Богоявление».

сла́ва Тебе́, омраче́нную не́мощь на́шу посети́вый.
Сла́ва Тебе́, повива́ющему мгло́ю зе́млю и не́бо о́блаки,
сла́ва Тебе́, нас ра́ди пови́тому пелена́ми.
Сла́ва Тебе́, одева́яй красото́ю кри́ны се́льныя,
сла́ва Тебе́, наготу́ на́шу облекйи́ во оде́жду нетле́ния.
Сла́ва Тебе́, зрак раба́ прие́мый;
сла́ва Тебе́, от ра́бства страсте́й нас свободи́вый.
Сла́ва в вы́шних Бо́гу и на землѣ́ мир, в челове́цах благоволе́ние!

Кондак 3

Си́лы Небе́сныя ве́лиим гласом восхвали́ша Тя, све́тлое Со́лнце Сла́вы, восходя́щее от де́вственнаго О́блака и просвеща́ющее мир за милосе́рдие безме́рное, и в весе́лии воспе́ша: Аллилу́иа.

Икос 3

Име́яй престо́л не́бо и подно́жие зе́млю ме́ста ни еди́на обре́те во обите́ли, те́мже Чи́стая Де́ва, Ма́ти Твоя́, сокрыва́ет Тя от хла́да но́чнаго в худе́м верте́пе и во я́слех ско́тиих полага́ет Тя, Сокро́вище го́рняго ми́ра и Зижди́теля вся́ческих. Дивя́щаяся милосе́рдию Твоему́, си́це Тебе́ зове́м:

Сла́ва Тебе́, по нам неизрече́нно обнища́вый,
сла́ва Тебе́, неизче́тно нас обогати́вый.
Сла́ва Тебе́, на́шу не́мощь восприе́мый;
сла́ва Тебе́, нас си́лою Твое́ю облекйи́.
Сла́ва Тебе́, хлад но́чный претерпе́вый;
сла́ва Тебе́, тепло́тою Твоея́ любве́ мир согре́вый.
Сла́ва Тебе́, не име́вый, где главы́ подклони́ти на землѣ́;
сла́ва Тебе́, преклони́вый небеса́ схожде́нием Твои́м.
Сла́ва в вы́шних Бо́гу и на землѣ́ мир, в челове́цах благоволе́ние!

Кондак 4

Бу́рею сумни́тельных помышле́ний мятётся И́род и вся Иерусали́ма с ним; ца́рие же восто́чнии Тебе́, Царю́ царей, да́ры избра́нныя прино́сят. С ни́миже и нас сподо́би Тебе́ кланя́тися ду́хом и исти́ною и приноси́ти Тебе́ ве́ру я́ко зла́то, чи́стое жити́е я́ко лива́н, любо́вь же я́ко сми́рну, зову́ще: Аллилу́иа.

Икос 4

Слы́шав Ада́м первозда́нный глас Го́спода сла́вы, ходя́щаго в ра́й, стра́хом скры́ся, убо́явся лица́ Твоего́. Ны́не же Ты, Спа́се, сокрыва́еши под бре́нным покровом стра́шную сла́ву Твоего́ Божества́

и низходиши на зѣмлю, зрак Адамов нося, взыскати погѣбшаго, вопиюща Тебѣ:

Слава Тебѣ, с Небесѣ долу низшедый;

слава Тебѣ, человека горѣ вознесый.

Слава Тебѣ, беззакония моя на Себѣ возложивый;

слава Тебѣ, язвою Твоею мя исцеливый.

Слава Тебѣ, приобщивыйся моея плоти;

слава Тебѣ, приобщаяй мя Твоего Божества.

Слава Тебѣ, студную наготу человеков ризою Твоея славы покрывый;

слава Тебѣ, глад души утоляяй сладостию трапѣзы Твоея.

Слава в вышних Богу и на земли мир, в человецех благоволение!

Кондак 5

Боготѣчная звезда с высоты показует Тя, издавна предвозвещенную мысленную Звезду, от Иакова возсиявшую. Сподоби и нас, ко убогому вертепу со звездословцы притекших, узрети очищенными очесы души паче звезд и солнца просиявшую славу Твоего Божества и воспѣти Тебѣ: Аллилуиа.

Икос 5

Провидев издалеча день Твой, Христѣ, праотец Твой Авраам возрадовался духом; мы же видяще Тя, Света невечерняго, на руках Дѣвы, Матере Твоея, яко на престолѣ почивающа, радостно сретѣем Тя пѣнии сими:

Слава Тебѣ, млеком Неискусомужныя питаемый;

слава Тебѣ, питаый всяческую тварь.

Слава Тебѣ, Сыне Дѣвы, Еммануиле, Отроча младо;

слава Тебѣ, Боже Превечный, Отче будущаго века.

Слава Тебѣ, на плещу херувимов носимый,

слава Тебѣ, нас ради во ясли возлегий.

Слава Тебѣ, на земли младенствуяй;

слава Тебѣ, нас чада Божия содеваяй.

Слава в вышних Богу и на земли мир, в человецех благоволение!

Кондак 6

Проповѣдует миру милостивое Твое пришествие пророк Илия Фесвитянин, тому бо на Хоривстей горѣ явил еси тихое сияние Твоея славы; ибо не в буре, ни во огни ниже в трясении, но во гласе хлада

тѡнка сошѣл еси на зѣмлю, Господи, просвѣщая и спасаѣя вся зовущія:
Аллилуѣа.

Икос 6

Возсия иногда свет Небесный пастырем вифлеѣмским, творящим стражу ношную о стаде своем и бдящим, темже и мы в ноши жития сего лености сон отрясем, в молитве трезвящися, да с пастырьми зрителие славы Спаса рождагося явимся и тако Ему воззовем:

Слава Тебе, Хлебе животный, всех души питаѣй;

слава Тебе, от глада смертнаго мир избавляѣй.

Слава Тебе, Грозде Божественный, вино новое источаѣй;

слава Тебе, жажды греховныя мир изымаяѣй.

Слава Тебе, светлое Солнце правды и свете Истины;

слава Тебе, теплотою Духа зѣмлю животворяѣй.

Слава Тебе, Небесный Дождю, орошаяѣй лице земли;

слава Тебе, весну благодати миру даруяѣй.

Слава в вышних Богу и на земли мир, в человецех благоволение!

Кондак 7

Хотя исправити гордыню первозданнаго человека, смирил еси Себе Самаго, Слове Божий, до яслей и смерти крестныя, образ нам даѣ, да вси, обращающии сердца своя к Тебе, облекутся в царское одеяние смирения Твоего и возобладают над страстьми и похотьми, Тебе, Царю всяческих, зовуще: Аллилуѣа.

Икос 7

Дивную тайну воплощения смирившася Бога воспевающе днесь, приидите, возвысимся от земных страстей, чистою мыслию приступим и припадем Богомладенцу, в яслех лежащему, во умилении зовуще:

Слава Тебе, на земли рождѣйся;

слава Тебе, миру даровавый возрождение.

Слава Тебе, повелением кесаревым написавыйся с рабы;

слава Тебе, в Книгу живота на Небеси имена верных Своих вписавый.

Слава Тебе, Содетелю, Ему же горе служат сонми Ангел;

слава Тебе, послужити пришедый всеродному Адаму.

Слава Тебе, Небо с землею соединивый схождением Твоим;

слава Тебе, Бога с человеком примиривый Рождеством Твоим.

Слава в вышних Богу и на земли мир, в человецех благоволение!

Кондак 8

Странна и пришельца Бóга видящи на земли, устранимся суетнаго мiра и възщем всемерно Небеснаго нашего Отечества, благодать, и мир и мiлость всем пришельствующим на земли у Сына Бóжия просяще и воспевающе Ему: Аллилуиа.

Икос 8

Весь был еси долу в яслех, непостижime Гóсподи, горé на Престоле со Отцем седяй. Ангели воспеваху Тя яко Превечнаго Бóга, человецы же зряху Младенца повита, мы же убозии приносим Ти слезы умиления, сiце глаголюще:

Слава Тебé, недр Отческих не отступивый;
слава Тебé, с дольними человеки неизреченно поживый.
Слава Тебé, неприступную славу Твоего Божества сокрывый;
слава Тебé, приступающия к Тебé грешныя не отринувый.
Слава Тебé, Источниче чистоты и святости;
слава Тебé, с мытарй и грешники вечерявый.
Слава Тебé, блудная чада, издалеча зря, с любовию сретаяй,
слава Тебé, вся с покаянием приходящия в лик другóв Твоих вчиняяй.

Слава в вышних Бóгу и на земли мир, в человецех благоволение!

Кондак 9

Вся земля богатство любви Твоея позна, Иисусе Всецарю, егда Себе Самаго яко Младенца грешному миру во очищение даровал еси и в Жертву предуготовал еси. Сего ради роды родов, спасеннии пришествием Твоим, во веки благодарственне зовут Ти: Аллилуиа.

Икос 9

Ветия многовещанныя недоумют воспети недомыслимое и неизреченное Рождество Твое: кий бо язык, Ангельский или человеческий, возглаголет сию бездну милости Твоея, Спасе? Примми убо благодарныя слезы земнородных, искупленных Твоею Кровию, Тебé припадающих и вопиющих:

Слава Тебé, изобретый всяк путь художества²;
слава Тебé, соединивый с человеки Божество.
Слава Тебé, странно во Своя пришедый;
слава Тебé, устранихся от Бóга на Небо призывавый.
Слава Тебé, вертеп обитель Себе избравый;

² см. (Вар. 3; 37), паремия Навечерия Рождества Христова (час 3-й).

сла́ва Тебе́, Небе́сныя оби́тели лю́дем угото́вавый.
Сла́ва Тебе́, грех ми́ра взёмляй и обреме́ненные к Себе́ призыва́й;
сла́ва Тебе́, немо́щи челове́ческия исцеля́й и тружда́ющиеся
упокоева́й.

Сла́ва в вы́шних Бо́гу и на землі мир, в челове́цах благоволе́ние!

Кондак 10

Спасе́ние соде́лал еси́ ми́ру страна́ным исто́щанием Твои́м и врата́
милосе́рдия Бо́жия и вы́шнее Ца́рствие отве́рзл еси́ соше́ствием
Твои́м: отны́не бо сы́нове челове́чести и о́бщницы А́нгелом быва́ют и
ра́дующеся лёгкою сте́зю в Небеса́ восхо́дят, немол́чно зову́ще:
Аллилу́иа.

Икос 10

Ца́рю Преве́чный, рожде́йся на землі челове́ка ра́ди, Христе́ Бо́же!
Покажи́ ны досто́йны Твоего́ осия́ния, даждь нам во вся дни живото́а
нашего поминати́ Твоя́ благодея́ния и чи́стым се́рдцем воспева́ти Тебе́
сицева́я:

Сла́ва Тебе́, Ца́рю веко́в, вы́шнее Ца́рство ве́рным отверза́й,
сла́ва Тебе́, Па́стырю до́брый, заблудших овец на па́жить
цветоно́сную призыва́й.

Сла́ва Тебе́, И́мый ключ Дави́дов, Еде́ма врата́ нам отве́рзый;
сла́ва Тебе́, Ключу́ Божество́нный, отве́рзаяй се́рдца к прия́тию
благодати́.

Сла́ва Тебе́, Ма́нно Небе́сная, в пусты́ни жити́я сегó пита́ющая;
сла́ва Тебе́, Иису́се Бо́же, Но́вый Израи́ль в зе́млю обетова́нную
вводи́й.

Сла́ва Тебе́, А́гнче Бо́жий, на заклáние в мир пришéдый;
сла́ва Тебе́, сме́ртию Твоею́ живо́т нам дарова́вый.

Сла́ва в вы́шних Бо́гу и на землі мир, в челове́цах благоволе́ние!

Кондак 11

Песнь благодарéния приими́ от нас, Сло́ве Бо́жий, и сподо́би нас,
до́льных, срéсти чи́стыми дея́ньми и подъя́ти Тя, Христа́, плóтию
младéнствующа, Христа́, волею обнища́вша, Христа́, нас ра́ди на
зе́млю низше́дша, Егóже горе́ пою́т непрестáнно А́нгели Бо́жии,
зову́ще: Аллилу́иа.

Икос 11

Свѣтом одѣйся, яко ризою, безславен и наг в мир сей входит, и Божіе Слово, носящее вся глаголом силы Своея, немотствующий Младенец зрится на земли, Емуже поклоняющиеся вси глаголем:

Слава Тебѣ, Слове, во яслех немотствующий;
слава Тебѣ, добротѣ молчания и слова научай.
Слава Тебѣ, Животѣ, повитый пелены;
слава Тебѣ, пленицы смертныя разрешити грядый.
Слава Тебѣ, благовестити нищим пришедый;
слава Тебѣ, сокрушенныя сердцем исцеливый.
Слава Тебѣ, проповѣдуяй слепым прозрение;
слава Тебѣ, отпускай сокрушенныя во отраду.
Слава в вышних Богу и на земли мир, в человецех благоволение!

Кондак 12

Благодать спасительная всем человеком явися и всех избавление приспе: славы бо Господь низходит на землю милости ради. Горы и холмы, поля и дѣбри, человецы и Ангели, всякое дыхание и тварь, веселия Божественнаго исполняеми, воскликните сретяюще Того: Аллилуиа.

Икос 12

Поюще велие таинство Твоего вочеловечения, Господи, молим Тя, раби Твои, егда приидеши паки на землю с силою и славою мноюю, помилуй и спаси всех, чтущих Твое еже от Девы неизреченное Рождество и любовьию зовущих Ти:

Слава Тебѣ, на земли воплотивыйся благовестити заблуждшим;
слава Тебѣ, до ада низшедый взыскати падших.
Слава Тебѣ, сокровища благодати Твоея открывай;
слава Тебѣ, удобен путь к Небеси показуй.
Слава Тебѣ, водами Крещения естество человеческое обновивый;
слава Тебѣ, Божественными Тайнами сие обоживый.
Слава Тебѣ, верныя по исходе от жития в Царствие Твое вводай;
слава Тебѣ, веселие Иерусалима горняго во веки веков подавай.
Слава в вышних Богу и на земли мир, в человецех благоволение!

Кондак 13

О, неизследимая и неизглаголанная Бездно Любве и Щедрот, младенствующая плотию Иисусе! Приими приносимое Тебѣ убогое сие моление и не возгнушайся возлещи в яслех безсловесныя души моя.

О, Свете міра незаходимый! Просвети мя сиянием Твоим, прииди и обитель в сердце моем сотвори, да во веки пою Ти: Аллилуиа.

Молитва.

О, Сладчайший Иисусе, Слове Божий, Сыне Девы, Тебе нас ради на земли являшагося вся тварь исповеда быти Творца и Владыку всяческих, волны морския смиряхуся под нозе Твои, умолкаху ветры Твоим повелением, мертвии словом Твоим возставаху, солнце Тебе умирающе померче, земля о Тебе потрясется, небо Тебе возходящу отверзется. Тем убо и ныне молим Тя, раби Твои, Владыко, утиши вся наша помышления и чувства сердечная, запрети волнению страстей, возстави ны от смерти греховныя, сотвори, да пред светом любви Твоея померкнут нам вся славная и красная суетнаго мира, да потрясутся трепетом души наша и отверзутся сердца прияти Тя Невечернаго Света, просвещающаго всякаго человека, грядущаго в мир. Сподоби ныне изыти любовьию в сретение Тебе, низходящему на землю нас ради, и в день исхода нашего от временнаго жития сего урящи нас, восходящих от земли, милосердием Твоим, прими в Небесныя Твоя селения и сотвори причастники славнаго Царствия Твоего, да со Ангелы святыми поем и славим Тя, Спаса душ наших, со Безначальным Твоим Отцем и с Пресвятым Духом, Единаго в Троице Бога, Емуже подобает всякая слава честь и поклонение во веки веков. Аминь.